

آبونه اولوق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجبیه اخذ
ایدیلور

نسخه سی ۴۰ پاره در

قانونیه

سنه لکی در سعادت ایچون مجبیه
یکرمی غروش حسابیه التمش
غروشدر

طشمره ایچون بوسته احرقت اوله ورق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه متعلقدر

تبیغات

انجمن عدلیه دن تنظیم واعطا قتلان مذکره در:

دفتر خاقانی نظارت جلیله سندن وارد اولوب
محلیه جریان ایدن مخبره اوراقیله معاً انجمن عدلیه ده
حواله قتلان ۲۴ تشرین ثانی سنه ۳۳۱ تاریخلی مذکره
ومتفرعاتی مطالعه اولندی.

ماللرینه نظراً متوفی بکر افا زوجیه سی عایشه
خاتوندن طقوز یوز غروش بدل مقابلنده یوسف
ضیا بکک اشترا ایتش اولدینی مع صائلق بر قطعه
عرصه نك ارضروم ولایتی مرکز بدایت محکمه سنجه
جریان ایدن محاکمه سی نتیجه سنده مزبور نك واقع
اولان اقرار واعترافنه بناء بالتخلیه مدعی مومی الیه
تسلیمنه حکم اولنش ایسه ده محلی دفتر خاقانی
اداره سنجه محل مذکور متوفای مرقوم بکراغا نامنه
مقید اوله ورق حق انتقاله نائل وارث دیگر دخی
بولنسندن نانی حکم لاحقک تنفیذنده تردد حاصل
اولش وبوباده اتخاذ واجراسی لازم کلان معامله نك
استفسار ایدلمکده بولنش اولدینی اکلالمشددر.

اوراق مخبره مندرجاتندن منقهم اولدینی اوزره
انهای محاکمه ابتدائیه ده مدعی علیهانک شو یولده
بر اعتراض درمیان ایتیموب بیع واقعی تصدیق
واعتراف ایدرک یالکز بدل مقبوضی اعاده ایله مبعک
طرفنه تسلیمی طلبنده بولنسنه و اقاله بیعی تضمن
ایدن شو افاده سی دخی شایان قبول کوریله مامسنه
بناء منع مداخله سیله مدکور عرصه نك مدعی یوسف
ضیا بکک تسلیمنه حکم ایدلمش اولسنه کوره محاکمات
جاریه ده حاضر بولنمیان متوفای مرقومک دیگر
ورنه سنک اصول محاکمه حقوقیه قانوننک ارانه
ایلدیکی اعتراض الغیر طریقله محکمه بدایته بالمرامعه
حکم لاحقک تمذیل واصلاحی طلب ایتلمری مقتضی
وبو وجهله تشبثات قانونیه ده بولنه حق اولان ورنه نك
شو مراجعتی نتیجه سنه انتظار اولنق طیبی اولدینی
کی بالاخره ذی الیدندن استرداد صلاحیتی دخی

حائز اولان ورنه مرقومه نك بوباده کی حق قانونیلری
استعمال ایتدککری صورتده اعلام مزبورک اکتساب
قطعی ایتش اولسنه و دفتر خاقانی مأمورلرینک دخی
احکام صادریه ابتداء دوائر اجراییه دن سبق ایدن
تبلیغاتی تنفیذ وظیفه سیله مکلف بولنلرینه نظراً
ورنه نك سکوت واقعه قارشو سالف الذکر عرصه
وصائلنک تبلیغات مذکوره وجهله مدعی مومی الیه
نامنه قیدینک تسویه سی ایجاب ایده جکندن بو یولده
محانه تبلیغات جوابیه ایفاسیله برابر نظارت مشارالیه ده
تذکره جوابیه نسطیری تذکر قلمدی.

محاکمات و مقدمات

حما سنجانگی بدایت محکمه سی جزا دائره سی
رئیس اسبق فضیللو محمد امین افندینک اوراق
انفصالیه ومدافعه نامیه سی انجمن انتخاب مأمورین
عدلیه ده لدی التدقیق جواز استخدا منه قرار
ویرلمشددر.

اورخان بن حاجی حسینک کیفیت قتلندن دولایی
جنایتله اتهام اولنان طیب بن مرتضی ورفیق
حسین بن محی الدینک اون بشر سنه مدتلرله کورکه
قونلرینه دائر کورنجه سنجانگی بدایت محکمه سی جزا
دائره سندن اعطا قتلان ۲۵۸ نومرولی اعلام

شا کره خاتونک کیفیت قتلندن دولایی جنایتله
اتهام اولنان کاظم بن حاجی ورفیق قلمک اون بشر
سنه مدتلرله کورکه قونلرینه دائر برات سنجانگی
بدایت محکمه سی جزا دائره سندن اعطا قتلان ۱۳۶
نومرولی اعلام

عبدالرحمن شره منی قتل ایلدیکی ادعا اولنسندن
دولایی جنایتله اتهام اولنان الیاس بن مرتضانک
اون بش سنه مدتلله کورکه قونلسنه دائر یانیه ولایتی
استیناف محکمه سی جزا دائره سندن اعطا قتلان ۲۳۷
نومرولی اعلام

یوسفک قاتلرینه معاونت ایلدککری ادعا

اولنسندن دولایی جنایتله اتهام ایدیلان قاطمه بنت
علی وحوس بن علینک اوچر سنه مدتلرله کورکه
قونلرینه دائر ملاطیه سنجانگی بدایت محکمه سی جزا
دائره سندن اعطا قتلان ۸۸ نومرولی اعلام

زراعدن حامد بن حلفک کیفیت قتلندن دولایی
جنایتله اتهام اولنان صالح بن نجمک اون بش سنه
مدتلله کورکه قونلسنه دائر بغداد ولایتی استیناف
محکمه سی جزا دائره سندن اعطا قتلان ۱۹۰ نومرولی
اعلام

یکدیگرینه قتل قصدیه تشهر سلاح ایتلرندن
طولایی جنایتله اتهام اولنان رشدی ایل مصطفانک
اوچر سنه دردر آی مدتلرله کورکه قونلرینه دائر
بولی سنجانگی بدایت محکمه سی جزا دائره سندن
اعطا قتلان ۷۷۷ نومرولی اعلام

طریق شقاوته سلوک ایتسندن دولایی جنایتله اتهام
اولنان قبطی مرأت بن جعفرک درت سنه مدتلله کورکه
قونلسنه دائر مناستر ولایتی استیناف محکمه سی جزا
دائره سندن اعطا قتلان ۲۷۶ نومرولی اعلام

طروس اوغلی هره بتک ماده قتلندن دولایی
جنایتله اتهام اولنان اسماعیل بن عمرک اون بش سنه
مدتلله کورکه قونلسنه دائر ارزنجان سنجانگی بدایت
محکمه سی جزا دائره سندن اعطا قتلان ۲۸۸ نومرولی
اعلام

علی بن محمدک کیفیت قتلندن دولایی جنایتله اتهام
اولنان ندا عشرتندن فلاح حلف بن حسین الطویلک
اون بش سنه مدتلله کورکه قونلسنه دائر بغداد ولایتی
استیناف محکمه سی جزا دائره سندن ایلکنجی دفعه اوله ورق
ویریلان ۳۲ نومرولی اعلام

زوجی چاوش اوغلی ممشی قتل ایلدیکی ادعا اولنسنندن
دولایی جنایتله اتهام اولنان شریفه بنت بکرک اون
بش سنه مدتلله کورکه قونلسنه دائر مرعش سنجانگی
بدایت محکمه سی جزا دائره سندن اعطا قتلان ۱۲۶
نومرولی اعلام

احمد بن سید افا الحاج قاسمی قتل ایلدیکی ادعا
اولنسنندن دولایی جنایتله اتهام اولنان علی بن

سعيدك مراهق نابالغ بولنستندن ناشی درت سنه مدته حبسه قولنسته دائر عكا سنجانی بدایت محكمه سی جزا دائره سندن اعطا قلنان ۱۰۶ نومرولی اعلام

اسکچیلی یورکی ولد قسطنطینک کلبه سینه بالدخول جبر و شدت استعمالیه نقود و اشیا سنی سرت ایلدکری ادعا اولنستندن دولای جنبایله اتهام اولنان رمضان و رفیق قره احمدک اوچر یچق سنه مدترله کورکه قولنسته دائر کوملجه سنجانی بدایت محكمه سی جزا دائره سندن اعطا قلنان ۵۶ نومرولی اعلام عزیز بن اسماعیلک کیفیت قلندن دولای جنبایله اتهام اولنان محمد بن مصطفایک اون بش سنه مدته کورکه قولنسته دائر ادرنه ولای استیناف محكمه سی جزا دائره سندن اعطا قلنان ۴۳۰ نومرولی اعلام زوجہ سی صافی بنت محمدی قتل ایلدیکی ادعا اولنستندن دولای جنبایله اتهام اولنان محمد بن موسایک اون بش سنه مدته کورکه قولنسته دائر کفری سنجانی بدایت محكمه سی جزا دائره سندن اعطا قلنان ۷۸۱ نومرولی اعلام

رؤی قولیارندن عرب سعید ایلہ علی چاوشک معامله جبر و شدت اجراسیله ایکی رأس اسبی سرت ایلدیکی ادعا اولنستندن دولای جنبایله اتهام اولنان عمر بکک درت سنه مدته کورکه قولنسته دائر قسطنطونی ولای استیناف محكمه سی جزا دائره سندن ویریلان ۵۴۷ نومرولی اعلام

مالی اوغلی ابراهیمک کیفیت قلندن دولای جنبایله اتهام اولنان حسین بن عثمانک اون بش سنه مدته کورکه قولنسته دائر قیصری سنجانی بدایت محكمه سی جزا دائره سندن اعطا قلنان ۵ نومرولی اعلام محكمه تمیز جزا دائره سنجانه تصدیق قلنمشدر .

درسمادت جنایت محكمه سندن اعطا قلنان

اعلامدر :

اوجیوز یکریمی برسنه سی کانون نایسنگک بشنجی کونی علی الصباح ساعت یازم قرارلرنده غاخرانه یقوشنده کل بابا زقاغنده گوشه باشنده واقع یونانی نیقولینک دکاندن آلت مخصوصه استعمالیه کشادایدرک اشیا سرت ایلدکری ادعاسیله مظنون علیهما بولنان و غلطه ده شریخانه زقاغنده ابرانی احمدک قهوه خانه سنده بیتوته جوالیق ایدن یکریمی ایکی باشنده ابرانی کاظم بن عبدالصمد و طوطخانه ده خندکده اینجه عربک آخورنده اقامتله بارکیچیلک ایدن اون یدی باشنده آستانه لی طرف بن کاملک جنبایله اتهاملرینه دائر هیئت اتهامیه دن تنظیم قلنان مضطبه ایلہ استیناف مدعی عمومیلکک ۱۸ نیسان سنه ۳۲۲ تاریخ ۶۶ نومرولی اتهامنامه سی اوراق مترفعه سیله برابر محكمه جنبایته تودیع قلنمقله بالمطالعہ تفصیلاتی اولباده طوتیلان ضبطنامہ دن مستبان اوله جنی اوزره اصول محاکمات جزایه قانونک باب نایسنگک فصل رابعده محرر اولان معاملات بعدالایضا متمان کاظم و عارفک اجرای محاکمہ لری ایچون ۳۲۲ سنه سی مایسنگک طقوزنجی کونی بالتمین یوم معین مذکورده متمان مرقومان علی الاصول توقیفخانه دن کتوردیلرک و مدافعه وکیللری یوسف کال و قسطنطین قابوس اقدیلر ایلہ استیناف مدعی عمومیلکی معاونلرندن عزتلو بهجت بک حاضر اولدقلری حالده محاکمه صالونه جیقیلرک محاکمه علیه اجراسنه مباشرت و متمانله وکیللرینه اخطارات لازمه قانونیه ایضا قلندقدن صکره هیئت اتهامیه مضطبه سیله اتهامنامه ضبط کابی شفیق اقدی طرفندن قرائت اولندی . مذکور مضطبه ده مظنون علیهما کاظم و عارفک آلت مخصوصه استعمالیه بقال نیقولینک دکاندن قهوه و سائر سرت ایشی المزلندن طولای اتهاملرینه شهادت و کشف راپوری مندرجانی کافی کورلمش و حرکت واقعلری قانون جزانک ایکیوز یکرمنجی ماده سی حکمنی مستلزم افعال جنبایندن بولنش اولدیلندن جنبایله اتهاملرینه قرار ویرلدیکی محرر و اتهامنامه ده دخی مرقومانک مضطبه مذکورده مندرجانی وجهله اتهام ایلدکری مسطر در .

اتهامنامه نک خلاصه مالی جانب ریاستدن متمان کاظم و عارفه قهیم و توضیح و معاون مومی ایلہ طرفندن دخی دعوانک تشریح اولنسنی معقب متمان مرقومان سولتدرلدکلرنده بولندن کاظم فعل مدعا مہدن قطعاً معلوماتی اولدیلدی ویرکیچه قهوه خانه ده اوطور مقدمه ایکن برما مورکوب کندوسی قره غولخانه یه کتوردیلکی سرد ایتدی . عارف دخی وقعه کونی صبحالین ساعت اون ایکی راده لرنده آرپہ المی اوزره طوطخانه یه کتیمکده ایکن کاظم نامنده برسنک یانہ بالورود برکوفه سی یوز باره مقابلنده کوبری باشنده قدر کتورمسنی تکلیف ایتمکله موافقت ایدرک و مذکور کوفه یی الهرق کتیمکده لری ایکن مامورین ضابطه طرفندن چوریلرک جکرکی صرده مرقوم کاظمک فرار ایدوب کندوسی ددرست ایلدیلکی و کندوسی سرت ایتمدیلکی بیان ولدی السؤل کوفه یی ویرن کاظمک حضور محكمه ده کی متمان کاظم اولدیلدی و کوفه یی ویرن کاظمی طانیلیدی اتیان ایتمکله حضور مستنطقده کوبری باشنده کتورمک ایچون کوفه یی

کندوسی سته تحمیل ایدن اشبو ایرانی کاظم اولدیلدی و توقیفخانه ده بولندقلری زمان کندوسی الہ و برماسی ایچون موقفندن طانیلیدی دیگر اوج درت کشی ایلہ برلکده تنبیه سنده بولندیلدی و بویله سولیز ایسده ک باشک آتشه یانار دیو سولیدکلری درمیان ایتمش و حتی مرقوم کاظمک عارفی کتورک یوزیه قارشو کوفه یوکلندیلکی سولیرسجه زامراضی یم دیو سولیسنه قارشو یته مستنطقکجه اجرا قلنان مواجهه لرنده کوفه یی یوکلنسانک مرقوم ایرانی کاظم ایدوکی یوزیه قارشو سولیش اولدیلدی اخطار ونه دیه جکی استفسار اولدوقده دیدیکی کاظمک حضور محكمه ده کی متمان ایرانی کاظم اولدیلدی سوزده اصرار ایلدی .

علی هذا ۵ کانون ثانی سنه ۳۲۱ تاریخلی ضابطه عدلیه تقریری ایلہ محل وقعه نک مایه سنی حاوی کشف ورقه سی قرائت ایتدیلدی .

تقریرده : اوجیوز یکریمی برسنه سی کانون نایسنگک بشنجی کونی صبحالین ساعت یازم قرارلرنده مرقومان کاظم و عارفک ایکی جوال دروننده موضوع التیش قیه قهوه و ایکی یچق قیه پینر و رقتضاری حاوی ایکی کوفه یی حامل خرسوس زقاغندن مرورلری صرده قومیسر مصطفی اقدی ایلہ بکچی محمد اغا طرقلرندن کوریلرک شبه اوزرینه چوریلرک جکرکی آشناده مرقومانن کاظمک حامل اولدیلدی کوفه یی ترک ایلہ فرار ایتدیلکی و عارف ددرست اولنهرق اشیا ی مذکورده ایلہ برلکده کتورلمکله وقوعه یولان استجوابنده طوطخانه ده اوطور مقدمه ایکن مرقوم کاظمک کندوسی چاغروب و کوبری باشنده کتورمک اوزره برکوفه تحمیل ایدوب محل مذکوردن کیمکده لری ایکن مامورین ضابطه طرفندن چوریلرک جکرکی صرده کاظمک فرار ایتدیلکی و کندوسی طوتیلیدی افاده ایلدیلکی و مرقوم کاظم بالآخره ددرست اولنهرق عارفه ارانه اولندوقده بکاظم اولدیلدی سولیش ایسده توقیفخا نه ده یکدیگرله اختلاط ایتدکری جهته تألیف بین ایتمش اوله جقلری اشعار و کشف ورقه سنک دخی دکانک تیور کتیکلرینک قیو حملندن اوفق قنادنده بولنان آصمه کلید بر آلت مخصوصه ایلہ واشبو قونک ایچنده بولنان کلید دخی تصدیقه شکست اولنهرق آچلدیلنک کورلدیکی اسطار قلنمشدر .

قرائت اولنان اوراق مندرجانه قارشو نه دیه جکرکی صورلدوقده متمانلرن کاظم دیه جکی اولدیلدی و عارف دخی بویله افاده ده بولندیلدی جوالی ویردیلر مدعی عمومیلک مقامندن معطی شود بوصله سنده اسامیسی محرر اولان غلطه یکرمنده مستخدم

ایسده اوراده دخی تعین ایدم مدیکتی و کندوسی کوردیکی وقت اوکلرنده پشتمال و باشارنده شال بولندیلدی و متمان عارفدن سؤلانده ریختیمده کی قهوه خانه ده اوطوران یچم و یردی دیوسولیدکی اتیان و دیدیکی عارفک حضور محكمه ده کی متمانلرن عارف ایدوکی درمیان ایلدی .

(مابعدی کلجک نسخه یه)

دیوستنی نک یونانی طودوری یی تحقیر ایلدیکی ثابت اوله مدیقندن برانته استونی ضرب ایدن قالیونجی قوللقدنه ساکنه ماریدن ایکی لیرا النهرق مضروبہ اعطاسنه حسام الدین اقدی یی ضرب ایتدکری اصولاً ثابت اولان قاسم پاشالی قانق اقدی ایلہ جلالک یکریمش کون حبسلریه قایقچی طورسونی ضرب و جرح ایدن خاصکوبلی قایقچی مصطفایک اون بش کون حبسنه وایکی لیرا النهرق مضروبہ اعطاسنه

باغچوان علی یی ضرب و جرح ایدن شیشیلده ساکن ابراهیمدن ایکی لیرا النهرق علی یی اعطاسنه خلاف تنبیه اوزرنده سلاح طاشیدیلدی تنبیه ایدن محمد اقدیدن بش بشلک جزای قندی آلتسنه آوه نامقادی ضرب و جرح ایلہ قپوسنی قیودیلدی ثابت اولان قبا طاشده ساکن لفرک برهفته حبسنه آپوستولی ضرب ایدن ماریدن برلیرا النهرق مضروبہ اعطاسنه تشویه جامع شریفی مؤذنی ابراهیم اقدی یی سهوه معامله ده بولندقلری ثابت اولان پولیس قومیسری بکر و افراددن مصطفی اقدیلرک برر آی حبسلریه

نیقولی یی ضرب ایلدیکی اصولاً ثابت اولان ایلیادن ایکی لیرا النهرق مضروبہ اعطاسنه قوچونی ضرب و جرح ایدن یایس کوریسنده ساکن میخال ایلہ برادری بریکلنک برهفته حبسلریه طاش آتق صورتیله مانیونک خانه سی جاملری قیودیلدی ثابت اولان اوستریالی پانده لیک ایکی کون حبسنه والی بشلک جزای قندی آلتسنه جمال علوی ضرب ایلدیکی ثابت اولان قاسم پاشا اسکله سنده جمال اسماعیلدن ایکی لیرا النهرق مضروبہ اعطاسنه

رستی ضرب ایدن امام پاشا چوبلککده ساکن تیمورچی قبطی خلیلونک برهفته حبسنه ویرلیرا النهرق مضروبہ اعطاسنه قوچونک صی یورکی یی جرح ایلدیکی اصولاً

قومیسر ثالث قرق سکر یاشنده بتلیسلی مصطفی اقدی ابن علی و غلطه ده کائن یازید حله سی بکجیسی یکریمی طقوز یاشنده نوشرلی محمد اغا ابن حاجی ابراهیمک دعوت واقعه یه اتباعاً ورود ایتدکری و طوطخانه ده قره باش حله سنده قارصلی اغانک قهوه خانه سنده اقامتله تراموایده قلاغوزلی ایتمکده ایکن بک اوغلی بدایت محكمه سنجه برعادی سرت ماده سندن طولای محکوم طوتیلوب الیوم حبسنه خانه عمومیده بولنان اون یدی یاشنده اضررولی مدوح بن محرمک یازیلان مذکره اوزرینه محفوظاً کتوردیلکی خبر ویرلمکله برر برر حضور محكمه یه چقاریلرک لیدی السؤل طرفیه برکونه قرابت و مناسبت و خصوصتمتری اولدیلدی اکلاشلدقدن و اصولی دائره سنده تحلیفلی اجرا قلندقدن صکره منفرداً و مواجهه استماع اولندقلرنده بولندن قومیسر مصطفی اقدی وقعه کونی صبحالین اوطور مقدمه ایکن بکچی محمد اغانک یانسه بالورود قهوه یوکلکی ایکی شخصی شبه اوزرینه چوریدیلکی سولیس اوزرینه کتیدیلکده مرقومانن برسنک فرار ایتمکده اولدیلدی کوردیلکندن و تعقیب ایتمش ایسده طوته مدیقندن عودتله طوتیلان عارفدن رفیقنک کیم اولدیلدی و کوفه لدر و نسنده کی قهوه یی نرهن کتوردرکری سؤلانده رفیق یچم کاظم نامنده بریسی اولدیلدی و مذکور قهوه یی طولاب دره سندن کتوردیلکی سولیدکی قره غولخانه ده واقع اولان استجوابنده مذکور کوفه یی طوطخانه ده بریچمک ویردکی افاده سنده بولندیلدی افاده استنطا قیه سنه موافق صورته اخبار و عندالاستیضاح فرار ایدن شخصک قراکلی املق حبسیله متمان کاظم اولدیلدی تعین ایدمه جکی تذکار و حقنقه شهادت ایلدیکی شخص حضور محكمه ده کی متمانلرن عارف ایدوکی علاوه کفتار ایلدی .

بکچی محمد اغا وقعه کونی صبحا قارشو محله یی کشت و کذار ایتمکده ایکن ایکی شخصک ارقه لرنده کوفه اولدیلدی حالده کیمکده اولدقلری کورمکله صورددیقنده بز اصناف چهارشنبه بازارینه کیدپورز دیوسوللری اوزرینه اوکونی یخشیبه کونی اولدیلندن شبه لره لره ارقه لری تعقیب ایتدیلکی و بوانساده قومیسر مصطفی اقدی یی معلومات و بره جکی صرده مرقومانن برسنک کوفه یی ترک ایدرک قاجدیلدی و متمان عارفی طوتوب قره غولخانه یه کتوردکلری استنطاقه مطابق صورنده بیان ولدی الاستفسار اولوقت قراکلی اولدیلندن ایوجه کورده ماش ایسده فرار ایدن شخصک بوی متمانلرن کاظمک بوندن دها اوزونجه ایدوکی و مرقوم کاظمی قره غولخانه ده دخی ارانه ایتمش

ثابت اولدیلندن برلیرا النهرق مجروحہ اعطاسنه یورکینک واسیلی ضرب و جرح ایلدیکی اصولاً ثابت اولدیلندن اون بش کون حبسنه باولی یی ضرب ایدن دیمتینک برهفته حبسنه پولیس ماموری یجری اقدی یه حقارت ایلدیکی اصولاً ثابت اولان نرسندن برلیرا جزای قندی آلتسنه

محله آره سنده سلاح آنان تاتار احمددن بش بشلک جزای قندی آلتسنه عثمان اقدینک خانه سنه سرت قصیدله کوردیکی اکلاشلان تمستوقلنک اوج آی حبسنه پولیس عبده اقدی یی اجرای وظیفه حالنده جرح و طناشک مجروحیتنه سیدیت ویردکی اصولاً ثابت اولان مرأتک برسنه حبسنه اوزرنده سلاح طاشیدیلدی اصولاً ثابت اولان حاجی رجیدن ایکی بشلک جزای قندی آلتسنه درسمادت بک اوغلی و اسکدار بدایت محكمه لری جزا دائره لرجه قرار ویرلشدر .

مُحَامَلَاتُ الْإِنْدِيَّةِ

شامیه قضائی بدایت محكمه سی اعضاستدن احمد و محمد اسعد اقدیلرک وظائف قانونیه لری سهوه استعمال ایلدکری بغداد ولای استیناف محكمه سی مدعی عمومیلککندن مورود اوراق تحقیقه مندر جانندن اکلاشلیمی اوزرینه مومی الیه مانک عاکه آلتنه آلتلرینه عدلیه نظارت جلیله سندن مأذونیت ویریلرک مذکور مدعی عمومیلکک تبلیغات لازمه ایضا قلنمشدر .

الْإِنْدِيَّةُ

نجات صبر حکم سنده :

چاقاقیلر یقوشنده ۱۳ نومرولی مغازه ده مقیم م . یازجیان وم . قالیچیان شرکتک ۲۴ تشرین اول سنه ۳۲۲ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضای محكمه دن عزتلو مارا اقدینک زوز قومیسر و دعوی وکیللرندن عثمان طلعت بکله مهران کوریه یان اقدینک موقت سندیک تمیزلرینه و مغازه لرله اشیا زانده بیتیلرینک تمیزلرینه و اوراق و دفاترینک جلبنه و کفالت ارانه ایدم مدکلری تقدیرده حبس و توقیفلرینه و بوباده کی قرارک موقه اجراسنه تجارت بحریه

محكمة سنجه قرار ویرمیش اولدیغندن قانوننامه تجارتک
١٧٠ نجی ماده سی موجبجه دائمی سندیکلر انتخاب
اولتی اوزره [٩ تشرینانی سنه ٣٢٢] پنجشنبه
کونی ساعت یدی راده لرنده اصحاب مطلوبک محکمه
مذکوره نك مصالح افلاسیه رؤیتنه مخصوص اوطه سنه
کلری اعلان اولنور .

قره سی بدایت محکمه سی مقوقه قسمده :

مفلس پریکلی اندونیا دینک کره سون قصبه سی
جوارنده مع مشتملات بر قطعه صو ايله متحرک
دقیق فابریقه سیله اتصانده اوج طاشلی دیگر بر قطعه
صو دکرمانی و بونلره مربوط مغازه و بقال دکانی، اوج
باب عمله اوطه سی، دوه طامی، خانه، اخور، تیمورجی
دکانی و اوج قطعه سبزه باغچه سی و صاری بکلی
قریه سی جوارنده واقع دیگر سیل دکرمانک خزینه جلیله
مالیه ایلزراعت بانکه سی مطلوبانده حاند افلاس ماسه سنه
متعلق اوله رق اوجیوز یکریمی ایکی سنه سی روز قاسمندن
اعتباراً سنه لکی ایجار ایدیلجه جکندن طالب اولانلرک
قره سی سنجانی بدایت محکمه سی حقوق دائره سنه
متشکل ماسه هیئته مراجعتلری اعلان اولنور .

قونیه ولایتی بدایت محکمه سی تجارت قسمده :

بولیچه و سائر تجارتیه اشتغال ایدن و مرکز
تجارتی قونیه نك حکومت جاده سنه و استانبولده
مقصودیه خاننده الی نومرولی اوطه ده و نوشهرنده
شعبه لری بولنان (ب) کلبالی اوغلی و شرکاسی حقنده
محکمه یه تودیع اولنوب تأدییه سندن اظهار عجز ایلده
کلری ا کلاشیلان والیاس ب جا و شرکاسی بانکه سنک
تجاردن رزق اه شکره خیاط طرفندن افلاسی طلب ایلده
یکندن مبرز بولیچه و پروتسو و اوراق سائر نك تدقیق
مندرجانندن شرکت مرقومه نك تعطیل تأدیات استدیکنه
قناعت حاصل اولدیغندن شرکت مذکوره نك ١١ تشرین
اول سنه ٣٢٢ تاریخندن اعتباراً اعلان افلاسنه و مصالح
افلاسیه نك رؤیت و تسویه سی ضمیمه اعضای محکمه دن
رفتعلو و یانوس افندینک ژورقومیس و دعوی وکیللرندن
حفظی بک ايله پتاق اوغلی استیلیانوس افندینک
موقت سندیک تعینلرینه و مغازه سیله اشای زانده
بیتیه سنک تمهیرینه و اوراق و دفاترینک جلبه و کندو
لرینک حبسنه و بوبابده کی قرارک موقه اجراسنه
قونیه ولایتی بدایت محکمه سی تجارت قسمندن قرار
ویرمیش اولدیغندن قانوننامه تجارتک ١٧٠ نجی ماده سی
موجبجه دائمی سندیکلر انتخاب اولتی اوزره ٣٢٢
سنه سی تشرین نایسنک طقوزنجی پنجشنبه کونی ساعت
الی راده لرنده اصحاب مطلوبک مفلس مرقومک

مصالح افلاسیه سی رؤیتنه مخصوص محکمه اوطه سنه
کلری اعلان اولنور .

قونیه ده عزیزیه جاده سنه بلا نومرو مغازه ده
تجارتیه مشغول ایکن افلاسنه حکم اولنش اولان
تجاردن داتیان عوادیسک خصوصات افلاسیه سنک
رؤیت و تسویه سی ضمیمه دعوی وکیللرندن حفظی
بک ايله تجاردن کله چیان قاپریل افندی اصالة سندیک
تعین قلنمش اولندقلرندن مفلس مرقوم ذمتنده
الهجنی اولانلرک قانوننامه تجارتک ١٩٩ و ٢٠٠ نجی
ماده لری موجبجه تحقیق دیون ایچون تاریخ افلاسنندن
اعتباراً یکریمی بر کون ظرفنده سنداتی محکمه کاتبه
تسلیم ایللری و مدت مذکوره ختامندن صکره اوج
کونده یعنی اوجیوز یکریمی ایکی سنه سی تشرین نایسنک
اونبرنجی جمعه ایرتسی و اون اوجنجی بازار ایرتسی
و اون بشنجی چهارشنبه کونلری قونیه ولایتی مرکز
بدایت محکمه سی تجارت قسمنک مصالح افلاسیه
رؤیتنه مخصوص اوطه سنه کلرک سندیک افندیلر
مواجهه سنده الهجقلری اثبات و قید و تصدیق
استدیرملری و مدت مذکوره ظرفنده اثبات وجود
ایده میان الهجقلولر حقنده قانون مذکورک ٢١٠ نجی
ماده سنه توفیقاً ایضای معامله اولنه جنی اعلان
اولنور .

اطنه تجارت محکمه سنه :

اطنه ده چارشوی کیرده قماش والبسه تجارتیه
مشغول قره بت دلایان وارسن تجارتیانک اعلان
افلاسلرینه و مصالح افلاسیه نك رؤیت و تسویه سی
ضمیمه اعضای محکمه دن رفتعلو یانده لی افندینک
ژورقومیس و تجاردن و اصحاب مطلوبدن خواله سلیم
بطرسک موقت سندیک تعینلرینه و مغازه لریله اشای
زانده بیتیه لرینک تمهیرینه و اوراق و دفاترینک جلبه
و کفالت ارانه ایده مدکاری حالد حبس توقیفلرینه
و بوبابده کی قرارک موقه اجراسنه اطنه تجارت
محکمه سندن قرار ویرمیش اولدیغندن قانوننامه تجارتک
١٧٠ نجی ماده سی موجبجه دائمی سندیکلر انتخاب
اولتی اوزره اشبو تشرین اولک یکریمی التنجی پنجشنبه
کونی ساعت یدی راده لرنده اصحاب مطلوبک محکمه
مذکوره نك مصالح افلاسیه رؤیتنه مخصوص اوطه سنه
کلری اعلان اولنور .

مایک تجارت محکمه سنه :

صامسون رژی نظارتی وکیل عمومیس اگاه
افندی طرفندن صامسونده سعید بک محله سنه

صاوه ماوریدی و اولادلری خانه سنه مقیم انکلتزه
دولتی تبعه سندن و تجاردن قالوه قوره سی علیهنده اقامه
ایلمش اولدینی دخان مروریه رسمی دعواسنک رؤیتی
ضمیمه مرقومه تبلیغ اولتی اوزره دولت مشارالیه نك
صامسون قونسلوسلغه ارسال قلنان دعوتیه ورقه سی
اوزرینه مذکور قونسلوسلقدن یازیلان جوابنامه ده
مرقومک صامسونده اقامت ایتدیکی کی اقامتگاه ده
قونسلو توجه مجهول بولندینی اشعار قلنمش اولمغه
دعوی مذکوره ٣٢٢ سنه سی شهر تشرین نایسنک
اون بشنجی چهارشنبه کونی ساعت التیده جانیک
تجارت محکمه سنه رؤیت اولنه جغندن یوم و وقت
مذکوره مرقوم قالوه قوره سی بالذات حاضر بولنر
وکیل کوندرمن ایسه حقنده اصول محاکمه تجارت
نظامنامه سی موجبجه معامله قانونیه اجرا اولنه جنی
معلوم اولتی اوزره تنظیم اولنان دعوتیه ورقه سی
محکمه نك دیوانخانه سنه تعلیق اولندینی کی غزته ایلده
اعلان اولنور .

محکمه تجارت امرا دائره سنه :

قیون اوغلی خرملوسک صفوق هوا دپولری
انونیم عثمانی شرکتنده اولان مطلوب محکومندن
غیر از استیفا متباقی اچنه نك تأمین استیفا سیچون
شرکت مذکوره نك جبالیده کائن دپوسنده حجز
ایدلمش اولان بر فوجی ماکنه یاغی تاریخ اعلاندن
اعتباراً اوج کون صکره یعنی تشرین اولک اوتوز
برنجی صالی کونی بالمزایده فروخت اولنه جغندن
اشتراسنه طالب اولانلرک یوم مذکوره ساعت بش
راده لرنده مذکور دپوه کلری اعلان اولنور .

تکفور طغانی سنجانی بدایت محکمه سی امرا دائره سنه :
حاجی عیسی محله لی حاجی پیرزاده راسم افندینک
برهان افندی وقفه با اعلام محکوم به اولان درتیک
کسور غروش بورجنک تأمین تسویه سیچون
مومی الیهک محجوز بولنان باغچی قریه سنه واقع
اوج قطعه ده معلوم الحدود یوز اوتوز دونم ترلاده کی
نصف حصه سیله تکفور طغانی جوارنده قبایلی
قولنده کائن اون اوج دونم ترلاده اولان ربع حصه
شایعه سی اشبو تاریخ اعلاندن اعتباراً اون بش کون
صکره بالمزایده فروختنه ایدیلجه جکندن اشترایه طالب
اولانلرک تکفور طغانی سنجانی بدایت محکمه سی اجرا
دائره سنه مراجعت ایللری اعلان اولنور .